

REFERAT SAA- Sanarfinermut Avatangiisinullu Ataatsimiititaq d. 30-11-2018

Mødedato Fredag d. 30. november 2018 kl. 19:00

Mødested Kommunalbestyrelsip ataatsimiittarfia

Indholdsfortegnelse

Saqqa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut aammalu Kommunalbestyr	8
Kommunimut pilersaarummut tapiliussatut siunnersuut 4A9-1, Uppittalik, Qinngorput.....	9
Kommunimut pilersaarummut tapiliussaq O9 Akuersissuteqarfik Qussuk/ Narsarsuaq, Nuuk.....	12
Taasariaqartut allat.....	17
Suliat matoqqasut.....	18
Imaqarniliap akuerineqarnera.....	19

Punkt 0: Saqqa

Ilaasortat
Justus Hansen (D), siulittaasoq.
Harald Bianco (IA)
Charlotte Pike (IA)
Mala Højkø (S)
Laura Taunajik (S)

Beslutning

Charlotte Pike oqararsuaatikkut peqataavoq. Alex Nørskov Ingerlatsivimmeersoq peqataavoq.

Punkt 1: Oqaluserisassat akuersissutigineqarneri

Beslutning

Oqaluserisassat akuerineqarput.

Punkt 2: Nalunaarutit

<p>2a. Siulittaasup nalunaarutai</p> <p>2b. Ingerlatsiviup nalunaarutai</p>

Beslutning

Siulersuisumit ingerlatsivimmilluunniit nalunaarutitik peqanngilaq.

Punkt 3: Ilisimatitsissutit

<p>Soqanngilaq.</p>

Beslutning

Soqanngilaq.

Punkt 4: Aalajangiiffisassat

<p>Soqanngilaq.</p>

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut aammalu Kommunalbestyrelsimut ingerlateqqitassat**

Punkt 05A: Kommunimut pilersaarummut tapiliussatut siunnersuut 4A9-1, Uppittalik, Qinngorput

Beslutning

Inassuteqaatit akuersissutigineqarput.

Bilag

Kommunimut pilersaarummut tapiliussatut siunnersuut 4A9-1, Uppittalik, Qinngorput.pdf

Kommunimut pilersaarummut tapiliussatut siunnersuut 4A9-1, Uppittalik, Qinggorput

Aalajangiiffigisassaq

J.nr.: 16.03.01.01-P16-9-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussami Qinggutsinni inissianik nutaanik 210-nik meeqqerivimmillu sanaartortoqarsinnaanera siunertarineqarpoq.

Siunnersuummi pingaarnertut inissiat pingasunik qulerillit, meeqqerivik anngajaaq kiisalu inissarsuit arfineq marlunnik qulerillit marluk sanaartorneqarnissaannut sanaartorfissat atugassanngortinneqartut pineqarput.

Sanaartukkat nunap ilusaanut ersarissunut immikkullu pitsaaqutitut naleqqussarneqassapput, peqatigitillugulu inissiaqarfinnut eqqaaniittunut ataqatigiissaarneqassallutik, taamaalilluni Qinggutsinni pingaarnertut illoqarfimmik inerisaanermut ilaatinneqarluni.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Kommunimut pilersaarummut tapiliussatut siunnersuut 4A9-1, Uppittalik, Qinggorput akuersissutigineqassasoq
- Siunnersuut akuersissutigisaq sap.ak. arfinilinni tamanut tusarniutigineqarnissaa siunertaralugu Aningaasaqarnermut Inuussutissarsiornermullu Ataatsimiititamat akuersissutigisassanngorlugu ingerlateqqinneqassasoq
- Suliaq matuma kingorna Aningaasaqarnermut Inuussutissarsiornermullu Ataatsimiititamat Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Nuummi innuttaasut ukiuni aggersuni amerleriarnissaat naatsorsuutigineqarpoq, taamaattumik pitsaasunik tamatigoortunillu nutaanik inissiaqarfiliornissaq inissaqarnissamullu periarfissaqarnissaq pisariaqarput. Taamaalilluni kommunimut pilersaarummut tapiliussami siunertaalluni Nuummi inissaaleqinerup akiorniarnissaa aamma nunap ilusaa pitsaassusiilu naapertorlugit orniginartunik inissiaqarfiliornissaq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa, inissianik amigaateqarneq siunnersuutikkut akiorniarneqartoq kiisalu illoqarfimmi illuliortaaseq, nunap ilusaa sukisaarsaarfissatullu periarfissat pillugit takorluukkat tassuuna taparserneqartut, soorlu taakku Kommuneqarfik Sermersuup Illuliortaatsimut politikiani taakkartorneqarsimasut. Siunnersuummi pineqarpoq, nunap ilusaa aamma illoqarfiup immikkoortuani sukisaarsaarfissaqqissut naapertorlugit illoqarfimmik inerisaaneq. Sanaartukkat akornanni nunaminertat sanaartorfiunngitsut

qanittumi sukisaarsaarfissaqarnissamik periarfissiipput, ilaatigut qaarsuni quppat angisuut najugaqalerumaartunit orninneqarsinnaasut. Sanaartukkat nutaat seqinermit nuineqartarnissaat isikkiveqarnissaalu eqqumaffigineqarput.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussaq immini aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaataitallit

Kommunimut pilersaarummut tapiliussatut siunnersuutit tullinnguuttut uku tunngavigalugit suliarineqarpoq:

- Pilersaarusionerq aamma nunaminertat atornerqartarneri pillugit Inatsisartut inatsisaat nr. 17, 17. november 2010-imeersoq (Pilersaarusionerq inatsit).
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut pillugu siunnersuut sap.ak. arfinilinni tamanut tusarniaassutigineqassaaq, piffissami 02.01.2019 – 13.02.2019.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpat ingerlariaqqinnissamullu inassuteqaateqartoqareerpat, Sanarfinerq Avatangiisinullu aamma Aningaasaqarnermut Inuussutissarsiornermullu Ataatsimiititani kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermut Allatseqarfimmit oqaaseqaatit

Immikkoortumi sanaartortoqaaqqinnissaa Aningaasaqarnermut Allatseqarfimmit pitsaasutut isigineqarpoq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatit-akunnerini arfinilinni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Ingerlatsivinnit allanit oqaaseqaatit

Soqanngilaq.

Ilanngussat:

1. Kommunimut pilersaarummut tapiliussatut siunnersuut 4A9-1, Uppitalik, Qinngorput

Punkt 05B: Kommunitut pilersaarummut tapiliusseq O9 Akuersissuteqarfik Qussuk/ Narsarsuaq, Nuuk

Beslutning

Inassuteqaatit akuersissutigineqarput.

Bilag

O9_Bilag 1_KAL.pdf

O9_Bilag 2 KAL.pdf

KPT O9 Qussuk_KAL.pdf

Kommunimut pilersaarummut tapiliusaaq O9 Akuersissuteqarfik Qussuk/ Narsarsuaq, Nuuk

Sukisaarsaatigalugu aalisartitsinissamut akuersissuteqarfik

Aalajangiiffigisassaq

J. nr: 16.03.01.01-P16-8-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Siunnersuummi, kommunimut pilersaarummut tapiliusaaq O9 Qussuk/ Narsarsuaq, nunaannarmi immikkoortup ilaanik nutaamik immikkoortuligaq pineqarpoq, sukisaarsaatigalugu aalisartitsinissamut akuersissutaatillit tassani qissattaammik eqqalunniartitsisinnaassallutik. Sumiiffik katillugu 5 km²-isut missaani annertussuseqarpoq, tassa Nuup Kangerluani avannarpasissumi Qussummi/ Narsarsuarmi. Tammaarfissatut atugassianik immikkoortulersugaavoq, akuersissummullu ilanngullugu illuaqqanik anginngitsunik nappaasoqarsinnaavoq.

Inassuteqaat

Sanarfinermut Avatangiisinullu Ingerlatsivimmit inassuteqaatigineqarpoq:

- Siunnersuut, Kommunimut pilersaarummut tapiliusaaq O9 Qussuk/ Narsarsuaq, Nuuk Sanarfinermut Avatangiisinullu Ataatsimiititamit akuersissutigineqassasoq
- Kommunimut pilersaarummut tapiliusaaq akuersissutigineqartoq Sanarfinermut Avatangiisinullu Ataatsimiititamit Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlatinneqassasoq.
- Tamatuma kingorna suliaq Aningaasaqarnermut Inuussutissarsiornermullu Ataatsimiititamit Kommunalbestyrelsimut inaarutaasumik akuersissutigisassanngorlugu ingerlateqqinneqassasoq.

Suliassamik saqqummiussineq

Kommuneqarfik Sermersooq Inuussutissarsiornermut Nukissiuutsinullu Naalakkersuisoqarfik aqqutigalugu Qussummi/Narsarsuarmi qissattaammik eqqalunniartitsisarnissamik sukisaarsaatigalugu aalisartitsisarnermut akuersissutinik qinnuteqaatinik marlunnik tigusaqarpoq. Tamanna tunngavigalugu Sanarfinermut Avatangiisinullu Ingerlatsivik kommunimut pilersaarummut tapiliussatut siunnersuummik suliaqarpoq, sumiiffimmi ataatsimik akuersissuteqartoqarnissaanik periarfissiisumik. Illoqarfimmi takornarialerinerimik suliallit isumasioreerlugit nalilerneqarpoq sumiiffik suliassamik tamatumingna sumiiffimmi ataaseq kisimi suliaqarsinnaassasoq.

Siunnersuummi, kommunimut pilersaarummut tapiliusaaq O9 Qussuk/ Narsarsuaq, nunaannarmi immikkoortup ilaanik nutaamik immikkoortuligaq pineqarpoq, sukisaarsaatigalugu aalisartitsisarnermik akuersissutaatillit tassani qissattaammik eqqalunniartitsisinnaassallutik. Sumiiffik katillugu 5 km²-isut missaani annertussuseqarpoq, tassa Nuup Kangerluani avannarpasissumi Qussummi/ Narsarsuarmi, sanaartorfioqqusaanngitsup iluani Immikkoortup ilaa O2 Inuilaarsuaq – Nerutusooq Avannarleq.

Kommunimut pilersaarummut tapiliussami tunngaviit tassaapput:

- Immikkoortup ilaa O9-imi nutaamik immikkoortuliornissaq
- O9-imi qissattarluni eqalunniartarfissamik (Salvelinus alpinus) sukisaarsaatigalugu aalisartitsisarnermik akuersissutilinnut atugassanngortitsinissaq
- Nunaannarmi naleqquttumik atuinissamik qulakkeerinissaq, aamma takornarissanut sukisaarsaatigalugu aalisariartunut pitsaasunik atugassaqartitsinissaq
- Sumiiffimmi pineqartumi akuersissummut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqartitsinissamik qulakkeerinissaq.

Kommunimut pilersaarummut tapiliussatut siunnersuut O9 aqutigalugu illuaqqiorsinnaanissamut periarfissaqartitsinissaq, taamaattorli 60 m²-imit anginerussanani, ataatsimoortut katillugit amerlanerpaamik illuaqqat sisamaasinnaassallutik. Illuaqqat napparneqannginnerini inissisimaffissaannut ilusissaannullu tunngasut akuersissutaateqartuusumit/-sunit Kommuneqarfik Sermersuumut isumaqatigiissutigineqaaqqaassapput.

Takornariartitsinnaanermut akuersissutaateqarneq ima paasineqassaaq, sumiiffiup aalajangersimasup iluani takornariartitsinermi nioqutissamik arlalinnilluunniit tunniussisinnaatitaasoq. Takornariartitsinermi sammisaqarnermut akuersissut pisinnaatitaanermik pigisaqartumut tunniunneqartarpoq. Suliffeqarfik sumiiffimmik akuersissutaateqaleraangat, ass. kooqarfimmi, taava suliffeqarfik taanna sumiiffimmi pineqartumi suliamut aalajangersimasumut kisermaassisuussaaq. Sumiiffimmi tassani piffissami tassani allatigut suliaqartoqarsinnaavoq, ass. pisunneq, piniarneq, qaqqatigut sikkilerneq il.il. aamma najugaqavissut kuummut aalisariarsinnaatitaapput. Taamaattorli suliffeqarfiit allat inuussutissarsiutigalugu takornarissanut aalisartitsinermik tassani imaluunniit sumiiffiup nalaani ingerlatsisinnaanngillat.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivik isumaqarpoq Nuup Kangerlua (Godthåbsfjorden) takornarialerinerup akuersissuteqarnerillu iluanni periarfissarpassuaqarfiusoq. Kommunimut pilersaarummut tapiliussap suliarinerani Ingerlatsiviup sumiiffiup maanimiunit aalisarfittut piniariarfittullu nuannarineqarnera eqqarsaatigereerpaa. Taamaammat ingerlatsivimmit aalajangerneqarpoq, tupeqarfissatut atugassiaasumiit sanaartorfioqqusassaangitsoq. Sumiiffiup torersuutinneqarnissaanut akuersissutaatilinnut piumasaqaatit sukannernerulersinneqarput, kiisalu akuersissummut attuumassutilinnik pilersitsinissaq akornutaassanngitsoq imaluunniit inuilaarsuarmi pingaarnertut pissusaanik allannguisoqassanngitsoq.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussatut siunnersuut kommunimut pilersaarummut ilaavoq, ingerlatsiviullu pilersaarusionermut missingersuutaanut malunnaatilimmik sunnuteqassanngilaq.

Inatsisitigut tunngavissaq allakkallu tunngaviusumik uppersaaitallit

Pilersaarusionerq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Sumiiffinni nunami aalajangersimasuni takornariartitsinermut akuersissuteqartarnissaq pillugu

Inatsisartut inatsisaat nr. 19, 3. december 2012-meersoq

Ingerlariaqqinnissaq

Inuussutissarsiornermut Nukissiuutinullu Naalakkersuisoqarfik pilersaarut akuersissutigineqariapat ilaatigut ingerlatsivik suleqatigalugu sumiiffimmi eqalunniartitsisarnissamut akuersissuteqarnissamut neqeroorusiortitsissaaq .

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik allanik oqaaseqaatissaqanngilaq, aammalu kommunimi takornariaqarnerup siuarsarneqarnissaanut nutaamik pissanganartumillu suliniuteqartoqarnera nuannaarutigalugu.

Innuttaasunik peqataatitsineq/attaveqaatigiinneq


Kommunimut pilersaarummut tapiliussamut siunnersuutip tamanut tusarniaassutigineranut atatillugu septembarip 20-anni innuttaasunik ataatsimiititsisoqarsimavoq, tassungalu innuttaasut 35-it missaat takkussimapput.

Taakkununga ilanngullugu Pinngortitaleriffiup tusarniaanermut akissuteqaataa tiguneqarpoq, tassanilu inuit suliaat, attaveqaatit sanaartukkallu tuttuq siammarternissaannut ingerlaartarnerinullu sunniuteqarnissaat erseqqissaatigineqarpoq. Takuuk ilanngussaq 1 imm 7.1 aamma Ilangussaq 2 imm 7

Ingerlatsiviup nassuerutigissavaa Nuummi innuttaasut amerliartornerat inuillu amerliartortut Nuup Kangerluanik sukisaarsartarfittut atuilernerat ilutigalugu, kangerluk allannguuteqassasoq tamatumunnga uumasoqassuseq ilanngullugu. Tamanna innuttaasut tikeraallu amerliartornerisa pissussamisoortumik kingunerisassaatur isigineqarpoq.

Ingerlatsiviup piffissami tusarniaaffiusumi erseqqissaatigisimavaa sumiiffimmi Aatsitassanut Ikummatissanullu Aqutsisoqarfik soqutigisaqartoq, tamannalu sumiiffimmi takornialerinemik ineriartortitsisoqarnissaanik soqutigisaqarnermut annertuumik kinguneqarsinnaasoq, tamatumunnga ilanngullugu eqalunniarnermut. Nunap assinganik nassiussisoqarsimavoq tassani allassimalluni, sumiiffiup qanittuani aatsitassalerinermut tunngasunik soqutigisaqartoqartoq, siunissami sumiiffiup sukisaarsartarfittut naleqarneranut pingaaruteqartussamik. Ataani nunap assinga takuuk:

Greenland Licence Map



19-10-2019 09:14:11

Towns and villages All mineral and hydrocarbon licences

- * Village
- Town
- Minerals exploration licence
- Mineral exploitation licenses

1:125,000
0 1 2 4 mi
0 1.5 3 6 km
Topographic Map by GEBCO

Tusarniaanermi akissuteqaatini allani sumiiffiup innuttaasunit piniariartarfittut aalisariartarfittullu atugaanerata allannguuteqarnissaanut tunnganerupput.

Tusarniaanermi akissuteqaatit arfineq-pingasut pissarsiarineqarput, taakkulu oqaaseqatigiiliormi annikitsunik allannguuteqartitsipput, pingaartumik oqaatsit atorneqartut eqqarsaatigalugit.

Ingerlatsivinnit allanit oqaaseqaatit

Soqanngilaq.

Ilanngussat

1. Tusarniaassummut akissuteqaatinik takkuttunik suliarinnineq
2. Tusarniaassummut akissutaasut tamarmik
3. Kommunit pilersaarummut tapiliussaq O9 Qussuk/ Narsarsuaq

Punkt 6: Taasariaqartut allat

<p>Soqanngilaq.</p>

Beslutning

Laura Taunâjik (S): Tunumi teknikkikkut akimmiffeqakkajuttarnerput pissutigalu ullormut oqaluuserisassat allaganngorlugit e-mailikkut nassiunneqarlutillu saqqummiunneqartassasut kissaatigaarput.

Ataatsimiititaliap Paamiunut aggustip naanerani angalanissaa inuttut namminerisamik peqquteqavissumik piffissamut allamut nuunneqassasoq kissaatigaa.

Paartiineersut tamarmik tunuliaqutaat apeqqutaatinnagit, siulersuisortaaq taamatuttaaq siulersuisuusimasorlu suleqatigiilluarsimanitsinnut qutsavigaakka. Tamassi juullisiorluarnissassinnik ukiumilu nutaami iserluarnissassinnik kissaappassi.

Mala Høy-Kúko (S): Inassuteqaatit/siunnersuutit kommunalbestyrelsip kingullermik ataatsimiinneranni saqqummiunneqartut itigartitsissutigineqartut naliliiffigineqassasut kissaatigaa.

Harald Bianco (IA): Ukiumut qaangiutilersumut partiillu tunuliaqutaat aallaaviginagit suleqatigiinnitsinnut qujavunga, nuannaarutigaaralu ataatsimiititaliat tamarmik Tasiilameersunik ilaasortaqarmata.

Siunissamik ajunnginnerpaamik, juullisiorluarnissassinnik ukiumilu nutaami iserluarnissassinnik kissaappassi.

Justus Hansen (D): Kommunimi tamarmi suliatigut ingerlatat aallussiviginissaat pingaaruteqarpoq, isumaqarpungali tamatumani suleqatigiilluarluta.

Apeqqutit assigiinngitsut piaartumik akissuteqarfigisalernissaat paasissutissiilluarnerusalernissaralu sulissutigissavara.

Ingerlatsivimmi isertuaatsumik ingerlatsisoqarnera suleqatigiilluartoqarneralu pillugit qujavunga.

Juullisiorluarnissassinnik ukiumilu nutaami iserluarnissassinnik kissaappassi.

Punkt 7: Suliati matoqqasut

<p>Soqanngilaq.</p>

Beslutning

Soqanngilaq.

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.52